



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Regale Sacerdotivm

Besse, Pierre de

Coloniae Agrippinae, 1615

Cap. 1. Sacerdotes esse debent integri & sancti.

[urn:nbn:de:hbz:466:1-54698](https://nbn-resolving.org/urn:nbn:de:hbz:466:1-54698)

# DE PERFECTIO- NIBVS ET DOTIBVS IN- TERNIS.

## CAPVT I.

SACERDOTES ESSE DEBENT IN-  
*regri & sancti.*

Lib. 1. Ep. 1.  
Sacerdotes  
omni vitio  
careant.



PORTET, ait Sanctus Cyprianus,  
Sacerdotes & ministros qui altari  
Sacrificijs deseruiunt, integros atque  
immaculatos esse, vtpote cum olim  
Dominus dixerit, Homo qui habuerit

maculam, non offeret panes Deo suo, nec accedet ad  
ministerium eius: Ita porro credendum est, ac  
que ideo omnis, cuius vita sancta non fuerit, in-  
dignus est qui ad sacros ordines promoueat.

Leuit. 19.  
Sanctus sit  
qui Deo  
seruit.

Sacerdotes, qui accedunt ad Dominum, sanctifi-  
centur ne percutiat eos. Euidens testimonium il-  
los Sacerdotes à Deo puniri mereri, qui animi  
non sancta & impura illius ministerium ob-  
eunt.

Sacerdos  
qui vitium  
aliquod  
habet, in-  
dignus est  
qui Sacra-  
menta ad-  
ministret.

Homo de semine tuo, qui habuerit maculam, non  
offeret panes Deo suo, nec accedet ad ministerium eius.  
Denotare hoc volebat, Sacerdotes qui vel tri-  
nimū vitium prætulerint, ab altari excludendos  
& indignos esse qui Deo in sancto Missæ Sacra-  
ficio panem Angelicum offerant, & Sacramen-  
ta illius administrent, & mysteriorum diuino-  
rum exercitia peragant.

Leuit. 21.  
In lege Eu-  
angel. Sa-

Sancti erunt Deo suo Sacerdotes, ait Leuiticus,  
cus, & non polluent nomen eius: incensum

nim Domini, & panes Dei sui offerunt, & ideo cerdotes sancti erunt. Idem omnino in lege Euangelica esse debent præcipitur, quæ omnes Sacerdotes perfectos esse debent se vult, cum ipsi æterno Patri sacrum illum Eucharistiæ panem, & precum Ecclesiæ incensum offerant; adeo vt qui sanctitate careant, sanctum Dei nomen polluant, eiusque mysteria profanent.

Iudas Machabæus postquam Lysiam, eiusque Sacerdotes exercitum profligasset, elegit Sacerdotes sine macula, voluntatem habentes in lege Domini. Egregium documentum, quo edocemur, illos qui in Sacerdotes electi sunt, quò Deo deseruiant, penitus sanctos esse debere, omni macula & næuo carentes.

Regius Propheta Ecclesiæ dignitatem præfatiens, deque illius ministris sermonem instituens, ait, Domum tuam decet sanctitudo in longitudinem dierum. Non hic de lapidibus, columnis aut parietibus loquebatur, at verè de Sacerdotibus, quos omnimoda decet sanctitudo, quam diu in domo Domini, quæ est Ecclesia, versantur.

In veteri Testamento in Mosaico Tabernaculo, iussu Dei fabricata erant candelabrum ductile & lucernæ ex auro mundissimo. Fecit & candelabrum ductile de auro mundissimo, &c. Fecit & lucernas septem cum emunctoriis suis. Quo mysterio designatum fuit, Sacerdotes & Religiosos qui candelabra Ecclesiæ, & totius mundi lucernæ & lux sunt, ex auro mundissimo constare, id est omnigena virtute conuestitos & penitus sanctos esse debere.

In veteri lege cum Sacerdotibus suis Deus a-

Sacerdotes gens hoc eos nomine compellabat, Et vos eritis  
 dicti sancti reges. *mihi in regnum Sacerdotale, & gens sancta:* quos  
 Exod. 19. e turba velut cæteris digniores selegi, & in  
 1. Pet. 2. domo mea constitui: Prophetica sunt hæc ver-  
 ba & futuræ dignitatis prænuntia: præfage-  
 bat enim iam tum Dominus, futuros Sacerdo-  
 tes, e plebeijs & gregarijs nobiles factos, in Ec-  
 clesia penitus sanctos fore, & tot in illa futuros  
 reges, quot Sacerdotes.

Cap. 28.

Aaron ve-  
 stimentis  
 sacris indu-  
 tus erat,  
 quando  
 offerebat  
 Deo,

In Exodo Moysi præcepit Deus, vt Aar-  
 onem fratrem eiusque filios vestibus sanctis  
 indueret, quotiescumque ministerium divi-  
 num peragerent, & Sacerdotij functione ex-  
 ercitiisque fungerentur: *Facies vestimenta sancta*  
*fratri tuo Aaron, & filiis eius, vt Sacerdotes*  
*fungantur mihi.* Veteres illæ cerimonix, quas  
 Deus præcepit, denotabant, nouæ legis Sacer-  
 dotes, non iam vestimentis, sed virtutibus pe-  
 nitens sanctis, aliquando cooperiendos, cum in  
 Ecclesia sacrificium viuificum immolarent: illa  
 corporis insignia sunt, illæ animarum orna-  
 menta & phaleræ.

Animal  
 maculosum  
 Deo offer-  
 ri non po-  
 terat.  
 Deut. 17.

Veruit antiquitus Deus, ne quis ouem aut  
 bouem maculosum, aut mancum immolaret  
 huiusmodi se victimam abominari dicens  
 detestari; *Non immolabis Domino Deo tuo  
 uem & ouem in quo est macula, aut quippiam  
 vitij, quia abominatio est Domino Deo tuo.* Ex-  
 signabatur hac lege, Sacerdotem Ecclesiæ,  
 quotidie immolatur & immolat in sacrosan-  
 cto illo Missæ sacrificio, qui que ouis esse  
 debet quoad simplicitatem, & bos quoad labo-  
 rem; numquam coram Deo comparere, nihilque

illi offerre debere, si quod in eo peccatum sit & in anima vitium; hæc enim admodum abominanda sunt, diuinæque maiestati grauitè displicent.

Iudæorum Pontifex inter cetera quæ illi tempore initiationis proponebantur, hoc in primis erat, *Perfectus eris & absque macula cum Domino Deo tuo.* Idem, si fortè meministis, vobis o Sacerdotes dictum fuit, cum sacris ordinibus initiaremini, & in Sacerdotes vngeremini. Iniunctum sollempniter est & velut iuramentum à vobis exactum, quam diu viueretis, vitam vestram esse debere perfectam, integram, immaculatam, & quam diu coram magno illo Domino agetis, omni prorsus vitio vacare. Aequum igitur est, vt promissis steris, nec fidem frangatis.

Sacræ litteræ Absalomi pulchritudinem describentes, eo potissimam nomine illum commendant, quod nulla in eo esset macula, dicentes, *Porro sicut Absalom vir non erat pulcher in omni Israël, & decorus nimis: à vestigio pedis vsque ad verticem, non erat in eo vlla macula, &c.* Item quàm beatus Sacerdos ille est, de quo idem omnino dici potest; quàm inquam felix est, de quo huiusmodi decantari panegyris potest! Perfecta illius laus est, de illo cum dicitur, Nihil est hoc Sacerdote vir in vniuersa prouincia melior; vita eius tota & vnica virtus est, à capite & primorum annorum principio ad vsque pedes, & finem senectutis, nulla in eo visa fuit macula vel minima, nihil reprehensione dignum in vita illius repertum.

Mulier illa Sunamitis, viso magnū Prophetam Elizæū sæpius per opidū suum transire, eius vitæ

I. 4.

ratio

Deut 18.

Quæ sacerdoti sacro  
proponerentur.Absalomo  
nullus in  
Israël pulchrior.

2. Reg. 14.

Sacerdotes rationem propius intuita ac mores, hominem beati sunt eum sanctum esse quam primùm iudicavit: *Amaduerto quòd vir Dei sanctus est iste, qui transiit ad nos frequenter.* Beati Religiosi sunt, & beati Sacerdotes, qui vitæ probæ & honestæ conuersationis exemplo omnibus occasionem dant bonam de illis opinionem concipiendi, & dum per plateas incedunt, credendi quod sancti sint.

4. Reg. 4.

Verba Ezechia ad Sacerdotes regni sui.

2. Par. 19.

Rex Ezechias regni sui clerum reformans omnes Sacerdotes & Leuitas vnum in locum congregatos, hisce verbis allocutus est; *Audite me Leuitæ, sanctificamini, mudate domum Domini Dei Patræ nostrorū, & auferte omnē immunditiam sanctuario.* Regia hæc verba Sacerdotib. demonstrabant, ipsorum esse sanctorum ritu modoque viuere, altaria & domum Dei emundare, & omnia peccata, immunditias, dissolutiones & Ecclesie corruptiones eiicere.

Ianitores constituti, qui impedirent ne quid immundum ingrederetur templum.

2. Paral. 25.

Scriptum est in libro Paralipomenon, Sacerdotem Ioiadam ianitores in domo Dei constituisse, qui impedirent diligenterque prohiberent, ne quis immundus in omni re domum Domini ingrederetur: *Constituit quoque ianitores portis domus Domini, vt non ingrederetur eam immundus in omni re.* Ianitores hi ad templi honorem conseruandum stabiliti, significabant quidnam immundi aut vitiosi in Ecclesiam ingredi nefas esse, & Sacerdotes qui peccatis inquinati sunt, quorumque vita penitus immunda est, in eam non admittendos. Vos igitur Præsules qui claves domus illius gestatis, illius Ecclesiam gubernatis, nefariis his ianuas occludite; sunt enim immundi, inquinati, & penitus impuri.

In Sapientia velut prophético spiritu prædictum legimus, annorum nostrorū hyemem sapientiae scholam esse, & *senilem ætatem, vitam immaculatam*. Presbyteri in sacra scriptura Sacerdotes appellantur, & oraculo illo prophético denuntiatur, ætatem & vitam illorum academiam quamdam virtutum esse debere, & ab omni illos vitio liberos & immunes, ac sanctorum & Deorum instar in Ecclesiæ ministerio occupatos, viuere oportere.

Beatus qui

*Beatus vir, ait sapiens, qui inuentus est sine macula, cuius vita irreprehensibilis, & mores inculpati.* Verè inquam beati Ecclesiastici, qui hodie sine peccato & vitio reperiuntur, qui modestam sectantur, quorum vita sancta penitus & immaculata est.

sine macula est.

Eccl. 3.

Hoc examinans Apostolus Paulus, & ad prædestinationis vsque materiam pertingens, hunc in modum locutus est, *sicut elegit nos in ipso ante mundi constitutionem, ut essemus sancti & immaculati in conspectu eius in charitate.* Sublimis hæc philosophia inferre vult, Sacerdotes prædestinatos esse, ut sint sancti corā Deo, & quamprimū ad ordinem sacrum promouentur, ad sanctitatem illos destinari, & eligi ut sancti sint & integræ vitæ coram diuina maiestate.

Sacerdotum sanctimonia præelecta.

ephes. I.

Idem quoque Apostolus discipulum suum Titum instituens, qui ad sacros iam ordines promorus erat, ait, *in omnibus te ipsum præbe exemplum bonorum operum in doctrina, in integritate, in grauitate verbum sanum, irreprehensibile, ut is qui ex aduerso est vereatur, nihil habens malum dicere de nobis.* Hæc scilicet genuina & vera sancti Sacerdotis imago est, ad viuum expressa.

Quomodo Titum Apostolus instituerit.

Magna Sa-  
cerdoti  
puritas ne-  
cessaria.  
Lib. 3 de  
Sacerd.

Ioan. Chrysoft. de Sacerdotum puritate fer-  
monem instituens ait, *Necesse est Sacerdotem si-*  
*esse purum, vt si in ipsis calis collocatus, inter ipsa*  
*cali virtutes medius staret. Quasi dicere vellet*  
inter Angelorum puritatem & Sacerdotum munda-  
ditiem nullum omnino discrimen inueniri de-  
bere.

S. Augusti-  
ni oratio  
ad Sacer-  
dotes.  
Serm. 36. ad  
presbyteros.  
Esa. 52.  
Luc. 8.

S. autem Augustinus Sacerdotes alloquen-  
hac eos oratione compellat, in qua de ipsorum  
puritate potissimum agit: *Bene munda manus*  
*oportet, charissimi, quæ maculas vasis alicuius mo-*  
*mundi tollere conatur, ne si inquinata sit & pollu-*  
*ta, ipsum magis inquinat. Propterea Sacerdotes ali-*  
*tissimi Dei, vobis dicitur, mundamini, qui fertis*  
*vasa Domini. Vos enim & non alij estis, qui vasa*  
*Domini fertis, & quibus datum est nosse mysteria*  
*gni Dei. Dicere vult Sacerdotes, cum cælitus in*  
*terram destinati sint, ad aliorum peccata elinea-*  
*da, ab omni macula & contagio immunes videri*  
re debere.

Epitheta  
Sacerdoti  
necessaria  
sanctitatē  
testantia.

Sacerdotes Altissimi, ait idem eodem in loco  
*vos estis, sal terra, lux mundi, lucerna accensa,*  
*uitas in monte posita, columna templi, arbores in*  
*entra in medio Paradisi plantatae, patrum & recto-*  
*res Ecclesiarum. Vos Angelorum socij, cali ciues,*  
*ly Prophetarum, Patriarcharum cognati, demum*  
*Apostolorum successores. Estote igitur mundi, & ter-*  
*re mundi, vt dignè, sicut patres vestri, vasa Dom-*  
*ni ferre mereamini; vasa inquã non tã aurea, vel*  
*gentea, sed illa ad quæ redimenda, Christus mori-*  
*luit. Omnes hi tituli notant haud dubiè mira-*  
*lem sanctitatem statui & ordini Sacerdotali*  
cessariam.

Dispiciete vobiscum Sacerdotes, ait iterum

dem loco Augustinus, ac vobiscum considerate, Sacerdotes quales esse debeatis, ait enim Apostolus, Oportet sint irreprehensibiles. Episcopum sine crimine esse, tamquam Dei dispensatorem. Hoc verò non Præsules & Episcopos modò, sed ipsos etiam Sacerdotes respicit, quorum vita esse debet aded inculpata, nihil vt in illis appareat quod meritò reprehendi, culpari aut argui valeat.

Sanctus Prosper scribit dici non posse, quàm sancti esse debeant Sacerdotes, cum ipsi sint, qui velut noui quidam Aarones incesum precum Deo offerant, illius maiestatem placent, iustitiæ rigorem impediunt, iram & iudiciorum illius furorem auertant. Cum ipsi per Dei gratiam fiant diuinæ voluntatis indices, Ecclesiarum Christi post Apostolos fundatores, fidelis populi ductores, veritatis assertores & defensores, falsorum dogmatum inimici, hæresum flagella, baptizatorum Patres, rerum cælestium præcones, spiritualium conflictuum duces, bonorum operum patroni, alphabetum virtutum, ac fidelium exemplaria. Excellentia hæc epitheta euidenter demonstrant Sacerdotum vitam angelicam & cælestem esse oportere.

O Sacerdotes, inquit S. Augustinus, si anima cuiuslibet iusti sedes est Dei, multo magis sedes & templum Dei vos esse debetis mundum & immaculatum; si sepulchrum illius gloriosum est, quòd corpus exanime asseruarit; quanto digniora & gloriosiora esse debet corpora vestra, in quibus Deus quotidie, postquam resurrexit, habitare dignatur, si beatus esse dicatur venter, qui nouem spatio mensium CHRISTVM portauit, credendum est, corda quoque vestra futura

Lib. 2. de  
vit. con-  
templ. c. 2.  
Sacerdoti  
necessaria  
sanctitas  
exprimi  
nequit.

Magna pu-  
ritas Sacer-  
doti ne-  
cessaria,  
Isa. 12.

Luc. 11.

futura beata, in quibus quotidie Dei filius com-  
moratur. Denique si fortunata sint vbera, qui  
suxit paruulus, beatum haud dubiè esse debet  
vestrum, quod quotidie sanctam illius carnes  
sumit, & pretiosum sanguinem fugit. Confi-  
te igitur timore eius carnem vestram, & dili-  
genter caute, ne lingua illa, quæ cælo ipsius  
Dei filium euocat, contra Dominum loquatur  
ne manus illæ, quæ sanguine Iesu Christi cinctæ  
sunt, peccatorum & scelerum sanguine pollu-  
antur. Vera sunt hæc omnia, & conclusiones  
benè fundatæ, categoricèque ostendunt, Sacer-  
dotes penitus sanctos esse, omnique carere  
bere vitio.

*Psal. 118.*

*Aug. serm. 37  
ad fratres in  
erem.*

*Sacerdotes  
Mose & E-  
lia sint san-  
ctiores.*

*Lib. 6. de  
Sacerd.*

*Sacerdotū  
manus Deū  
quotidie  
tractantes  
esse debere  
penitus  
sanctas.*

Equidem, inquit S. Ioannes Chryostomus  
crediderim eum, qui velut legatus pro ciuitate  
tota, imo pro vniuerso terrarum orbe destina-  
tus deprecatur, & qui supplicis ritu apud Deum  
pro omnium hominum, non viuentium modo  
sed mortuorum etiam scelerum remissione in-  
tercedit, crediderim inquam, illum, quamuis  
Moyse aliquis vel Elias esset, sufficientem, ac  
dignum non fore, qui tale negotium pro dig-  
tate perageret, tantamque deprecationem im-  
plicationemque Deo Patri offerret: Inferre  
igitur vult, Sacerdotes, qui totius orbis ap-  
Deum aduocati & patroni sunt, Moyse ipso,  
Elia ac Prophetis omnibus, si quo modo fieri  
posset, esse debere sanctiores.

Necesse est denique, inquit ibidem S. Chry-  
ostomus, vt qui pro aliis deprecatur, tantum  
omnibus illos antecedit, quantum æquum  
superiorem subditis præcellere. Cumque Sacer-  
dos Prior ille generalis sit, qui Spiritum sanctum  
inuoat, ac summum illud sacrificium

nore & reuerentia plenum, communi omnium Domino offert, quem semper in manibus habet; quo tandem in numero illum habebimus? quæ illi integritas necessaria? quanta ab eo religio petenda? Considera quales manus illas administrantes esse oporteat? qualem linguam, quæ verba illa effundit? Quid igitur in mundo ita purum & mundum esse debet; vt anima illa, quæ tantum, tamque admirabilem Deum ac mentem intra se suscipit? Hoc considerate Sacerdotes, statumque vestrum & dignitatem perpendentes, considerate diligenter, quales esse debeatis.

S. Gregorius Nazianzenus, Cassianus, atque Sacerdotum idem Chrysostomus testantur, tantam Sacerdotum esse debere puritatem, vt solarium radiolarum puritatem debeat transcendere, vt Spiritus sancti solatio instructus, dicere & gloriari cum Apostolo queat. *Vino ego iam non ego, viuit vero in me Christus.* Addunt insuper, Eremitis ipsi, qui in deserto vitam trahunt, mundoque nuntium remisere, purius & sanctius viuere debere. Ex horum igitur Patrum sententia, Sacerdotum dignitas esse debet ipsa Religiosorum & Anachoretarum puritate maior.

Luminis instar, habet idem Chrysostomus, vniuersum orbem illustrantis, Sacerdotis animus splendescere oportet. Infandi & infelices igitur facis instar Sacerdotes illi, quorum vita hac ratione non rutilent. collucet, sed qui lampades emortuæ tedæ sine lumine sunt & merum Chaos tenebris referunt.

Antiquorum

In veteri lege iubebatur Sacerdos lauare prius vestimenta, quam ad sacra mysteria accederet. *ad sacrificiū in figura tanta obseruantia, quanta in veritate?*

dentium  
puritas.

Exod. 19.

In quo Sa-  
cerdotum  
puritas  
consistat.

Lib. de vita  
contempl. r.

25

Sanctitatis  
Sacerdota-  
lis indicia.

tate. Disce Sacerdos atque Leuita, quid sit laudis  
vestimenta tua? vt mundum corpus celebrando  
exhibeas Sacramentis. si Iudaicos Sacerdotes  
nefas erat ad hostiarum immolationem accede-  
re, nisi lauissent prius vestimenta; audebit  
non lota antè conscientia, imo ne corpore qu-  
dem, pro alijs deprecari, pro alijs victimam of-  
ferre? Vtinam hanc Sacerdotes lectionem reti-  
nerent & ad æmulationem Iudaicorum vitam  
melius instituerent?

Porro ipsa Sacerdotum puritas, dicente  
Prospero, in eo consistit, si imperiositate quam-  
dam & insolentiam non induant, sed humilita-  
tem conseruent, & omnibus sint commu-  
nes & affabiles. si fratrum infirmitates benigne  
per dulcium verborum medicamina persanent  
illos ad curandum perdifficiles iudicant vir-  
tute patientiæ & æquanimitèr tolerantes,  
moribus & prædicationibus non suam ipsorum  
sed Iesu Christi gloriam quærant, opera sua  
verba laudum & præconiorum humanorū titulis  
aut pretio vanè non venundent, sed ad Deum  
Sacerdotaliter viuendo, quidquid illis tum ho-  
noris, tum gloriæ accedere potest, ex animis  
referant. Denique si prætereuntium saluationi-  
bus non gaudeant inflati, non delectentur ho-  
noribus quos dare illis proximus solet. Verum  
hoc exemplar, & viui vitæ Sacerdotalis color  
sunt, cum humilitate scilicet imperare, & a-  
liorum infirmitates magna cum benignitate  
sanare.

In eo verò Sacerdotum sanctitas consistit  
subnectit idem auctor, si consolentur afflic-  
to

atos, pascant egenos, vestiant nudos, redimant captivos, suscipiant peregrinos; hincque sancti esse dignoscuntur, si salutis viam errantibus indicent, si desperatos ad bonam mentem reducant, si errantibus animos suggerant, si doceant ignorantes, denique si quæ eorum muneris sunt & quæ non sunt, magna diligentia sedulitateque docere satagant, & ipso facto exerceant.

Sanctitas  
Sacerdoti  
necessaria:

Ecquæ, ait eodem loco Prosper, vobis, o Sacerdotes sanctitas necessaria est, cum ministri verbi Dei, adiutores Altissimi, oraculum Spiritus Sancti sitis; per vos enim Deus placatur populo, populus instruitur Deo, per vos plurimi hæredes regni cælorum constituuntur, utpote qui Apostolorum estis successores: Cum igitur Deus sanctorum rex sit, eiusque coadiutores sint Sacerdotes, mundi que patroni, diuinæ sanctitatis omnes participare debent.

lib. 2. ad Hebr.  
et cf. Cathol.

Cunctos, ait Saluianus Massiliensis, qui sacræ altaris suggestu eminent, tantum excellere oportet merito, quantum gradu & dignitate. Nihil enim in mundo haberi potest indignius, quam si quis ad honorum fastigia sublimatus, meritis sit infimis, quid enim est imperium meriti expers & vile? Quid honorum proderit titulus, vbi ipse defecerit homo? aut quid est dignitas indigni bumeris imposita, quam gemma moniliaque luto canoue superstrata. Atque ideo necesse est, ut omnes qui ad sacros sunt ordines eleuati, tantum virtutibus & meritis eminent, quantum honore & culmine eminent & exstant.

Sacerdotes  
omnes sanctitate  
anteccellant:

Quorum verborum is est sensus, Sacerdotem, quem

quemadmodum in mundo dignitate primus est  
& supremus, ceteris ita virtute antecellere de-  
bere & merito.

*De sac. alt.*

*myst. l. i. c.*

9.

Sacerdotes

Deo & ho-

minibus

grati sint.

Sanctitate

ceteris

præstent.

Sacerdos

totus sit

sanctus.

*De offic. l. 2.*

*de Sacerd.*

Sacerdotio

se indignū

iudicauit

S. Francisc.

M. Marulus

lib. 3 cap. 15.

Sacerdotium

quanta res sit

in eo ostendit

Franciscus, quod se indignum illo iudicans, nunquam se promoueri sit passus, soloque diacono-  
tus officio quoad vixit, contentus fuerit. Cogit  
igitur Sacerdotes, quæ sanctitas sibi & pe-

fectis

dig-

S

ex M

on

beni

te b

bas f

ius

fun

S

cili

caro

bitu

nib

reli

exig

vide

vnit

lim

fece

gna

C

pit

tam

cont

tuar

pos

stos

reli

Apo

vnit

temp

solu

est p

fectio necessaria sit; si suam Sanctus Franciscus dignitati imparem iudicavit,

Sit Sacerdos, ait Concilium Aquisgranense ex Magno Gregorio, in cogitatione mundus, actione precipuus, discretus in silentio, utilis in verbis, benignus in omnes, omnia considerans; humilitate bonorum socius; iustitiae zelo erga improbos seuerus. Is igitur Sacerdotio indignus est; cuius acta cogitataque immunda impuraque sunt.

Sacerdos sit purus in cogitationibus. Cap. 9. ex Greg. pastor. 2. p. c. 5. 6. 7.

Sic decet, ait oecumenicum Tridentinum Concilium, omnino clericos in sortem Domini vocatos vitam moresque suos componere, ut habitu, gestu, incessu, sermone, aliisque omnibus rebus; nihil nisi graue, moderatum, ac religione ac prudentia plenum praeseferant; exigua peccata; quae magna tamen in ijs esse videntur deuitent, ut ita eorum actiones ab vniuerso mundo honorentur. Hoc notate uelim Sacerdotes, simulque aduertite, si contra feceritis; honorem vos vestrum laedere, & magnam vobis ipsis iniuriam inferre,

Concil. Trid. sess. 22. c. 1. de refor. In Sacerdotu vita aliud non appareat quam modestia & sapientia.

Quin & idem Concilium decernit ac praecipit, tam sancte ac digne suam Sacerdotes vitam componere debere; omnes ut ab ipsis continentiae, humilitatis, modestiaeque mutuari exemplum possint. Vult insuper Episcopos in mensa ita sobrios esse, tanquam modestos in omni supellectile, ut tum in hac tum in reliqua vita nihil omnino appareat, quod non Apostolicam simplicitatem, Dei zelum, & vniuersalem omnium mundi vanitatum contemptum redoleat ac spiret. Omnis enim dissolutio, & quidquid honorem laedit, Sacerdote est penitus indignum.

Sacerdotum vita exemplo sit omnibus. Sess. 25. c. 1. de reform. Concil. Cart. 4. c. 15. d. 4. c. Episcopum Tolet. 4. Rhemens. African.

K

Con-

Sanctiores  
sint Sacer-  
dotes Ere-  
mitis.

Isidor Pe-  
lus. lib. 2.  
epist. 284.

Sacerdotū  
perfectio.

Concludo igitur cum magno quodam Do-  
ctore, quoad sanctitatem Sacerdotum; illos qui  
ad hoc officium vocati sunt, anachoretis ipsis,  
& eremicolis esse debere sanctiores. Mea & illi-  
us ratio hæc est, quòd illi non nisi sui ipsorum curam  
salutis habeant, at Sacerdotes tam sui ipsorum  
quam populi. Eremitæ in rupibus & antris ve-  
uunt, suas plagas persanantes, peccata regentes  
propria, & coronas sibi cælestes nectentes; at  
Sacerdotes in theatro expositi sunt, atque om-  
nes in eorum vitam & mores oculos suos con-  
iecerunt. Quàm igitur indignum est improbes  
videre Sacerdotes, cum & religiosi & anacho-  
retis, & reclusi viuere deberent purius ac san-  
ctius.

Sancti igitur estote Sacerdotes, & cogitate  
Sacerdotem, qui minister & famulus Dei æteri-  
ni est, esse debere à vitiis sequestratum, recto-  
rem non raptorem; dispensatorem, non diffi-  
patorem; pium in iudicio, iustum in consilio,  
deuotum in choro, stabilem in Ecclesia, sobrium  
in mensa, purum in conscientia, assiduum in or-  
ratione, heroicum in contritione: sit in socie-  
tate humilis, in læticia prudens, in agendi  
promptus, diues in virtutibus, prudens in ver-  
bis, & in prædicationibus verax. Hæc vos  
dotes comparate, hæc perfectiones acquirite,  
ita vitam vestram dirigite, atque tunc merita  
vestra in æternum decantabo. Hæc è  
variis de prompta sunt aucto-  
ribus.

CAL